

# სსიპ „იუსტიციის სახლი“



## სატენდერო დოკუმენტაცია

სსიპ „იუსტიციის სახლი“-ს გურჯაანის ფილიალის შენობის მოწყობილობების შეკეთების და ტექნიკური მომსახურების სახელმწიფო შესყიდვა

(50700000 - შენობის მოწყობილობების შეკეთება და ტექნიკური მომსახურება)

ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

2016-2017 წწ

ქ. თბილისი

## ს ა ტ ე ნ დ ე რ ო დ ო კ უ მ ე ნ ტ ა ც ი ა

### 1. შესყიდვის ობიექტის ტექნიკური დავალება:

- 1.1. გასაწევი მომსახურების აღწერილობა და მოცულობა განისაზღვრება სატენდერო დოკუმენტაციის დანართი №1-ის შესაბამისად. ზოგადი ინფორმაცია შენობის მოწყობილობებისა და დანადგარების შესახებ იხ. დანართი №2-ში.

### 2. სატენდერო წინადადების ფასის გაანგარიშების მეთოდი:

- 2.1. სატენდერო წინადადების ფასი გამოსახული უნდა იყოს ეროვნულ ვალუტაში - ლარში, შესყიდვის ობიექტის მიწოდებასთან დაკავშირებული მიმწოდებლის ყველა ხარჯის (მ.შ კანონმდებლობით გათვალისწინებული გადასახადები) გათვალისწინებით, **დღგ-ს გარდა;**
- 2.2. **პრეტენდენტმა სატენდერო წინადადების ფასში არ უნდა გაითვალისწინოს დღგ,** მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, **თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად;**

### 3. მიღება/ჩაბარებისა და ანგარიშსწორების ვადა და პირობები:

- 3.1 მომსახურების მიღება იწარმოებს ყოველთვიურად, მიღება-ჩაბარების აქტის სახით. მიღება-ჩაბარების აქტი გაფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 3.2 მიღება-ჩაბარების აქტი გაფორმდება ყოველთვიურად, მომსახურების გაწევის შემდეგ, ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის საფუძველზე.
- 3.3 ანგარიშსწორება განხორციელდება ყოველთვიურად, უნაღდო ანგარიშსწორებით, ეროვნულ ვალუტაში – ლარში, მხარეთა შორის გაფორმებული მიღება-ჩაბარების აქტის და მიმწოდებლის მიერ წარმოდგენილი ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე, დოკუმენტების სრულყოფილად წარმოდგებიდან არაუგვიანეს 10 (ათი) სამუშაო დღის განმავლობაში;
- 3.4 წინასწარი ანგარიშსწორება (ავანსი) არ დაიშვება;
- 3.5 დაფინანსების წყარო: სსიპ „იუსტიციის სახლის“ 2017 წლის საკუთარი შემოსავლები.
- 3.6 მხარეები უფლებამოსილი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

### 4. მიწოდების ადგილი და ვადა:

- 4.1. შესყიდვის ობიექტის მოწოდება უნდა განხორციელდეს **2017 წლის 1 იანვრიდან 2017 წლის 31 დეკემბრის ჩათვლით;**
- 4.2. შესყიდვის ობიექტის მოწოდება უნდა განხორციელდეს შემდეგ მისამართზე: **ქ. გურჯაანი, თამარ მეფის ქუჩა** (იუსტიციის სახლის გურჯაანის ფილიალი).

### 5. ფასწარმოქმნის ადეკვატურობა:

- 5.1. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის 2<sup>1</sup> პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი **20%-ით** ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს **3 (სამი)** სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი);

### 6. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

- 6.1. გასაწევი მომსახურების ფასების ცხრილი სატენდერო დოკუმენტაციის დანართი №3-ის შესაბამისად, დოკუმენტაციაში მითითებული ფორმის და შინაარსის დაცვით;

- 6.2. **პრეტენდენტის რეკვიზიტები** სატენდერო დოკუმენტაციის **დანართი №4**-ის შესაბამისად, დოკუმენტაციაში მითითებული შინაარსის დაცვით.
- 6.3. **პრეტენდენტს უნდა გააჩნდეს გამოცდილება** 2014-2016 წლების პერიოდში შემდეგ მომსახურებებზე:
- ელექტრო-სისტემების მომსახურება
  - ვენტილაციის სისტემის მომსახურება
  - გაგრილების სისტემის მომსახურება
  - გათბობის სისტემების მომსახურება

რის დასტურადაც უნდა წარმოადგინოს შესაბამისი დასრულებული ხელშეკრულებ(ებ)ისა და დამკვეთის მიერ ხელმოწერილი შესაბამისი მიღება-ჩაბარების აქტ(ებ)ის ასლები, რომელთა ჯამური შესრულება შეადგენს არანაკლებ 130 000 ლარს.

## **7. დამატებითი ინფორმაცია**

- 7.1. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ;
- 7.2. სატენდერო წინადადება და თანმხლები დოკუმენტები შედგენილი უნდა იქნას ქართულ ენაზე. დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე;
- 7.3. ალტერნატიული სატენდერო წინადადება არ განიხილება;
- 7.4. დაინტერესებულ პირს აქვს შესაძლებლობა ადგილზე გაეცნოს არსებულ ვითარებას;
- 7.5. ტენდერში მონაწილეობით პრეტენდენტი ეთანხმება სატენდერო დოკუმენტაციის ყველა იმ მოთხოვნას, რომელთა შესახებ ინფორმაციის წარმოდგენა ან/და სახელმწიფო შესყიდვების ერთიან ელექტრონულ სისტემაში ატვირთვა არ არის სავალდებულო.
- 7.6. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის შესაბამისი მოდულის მეშვეობით;

**საკონტაქტო პირი:**

**სატენდერო კომისიის აპარატის წევრი:** გიორგი ლეკიაშვილი, ტელ: 577 18 08 81

ელ ფოსტა: [glekiashvili@psh.gov.ge](mailto:glekiashvili@psh.gov.ge)

### გასაწევი მომსახურების აღწერილობა

#### ა) ელექტრო-სისტემების მომსახურება (იხ. დანართი N2-ის 1 პოზიცია)

1. ტრანსფორმატორების, მაღალი და დაბალი ძაბვის ელ ფარების, მექანიკური აგრეგატების მართვის ფარების ყოველკვირეული (და საჭიროების შემთხვევაში) მონიტორინგი და მოვლა; ელექტრო ფარების თერმო კამერით ტესტირება (თვეში 2-ჯერ ან/და საჭიროების შემთხვევაში);
2. სადენების შემოწმება რომ არ გადახურდეს ან არ დაიწვას (ასეთის არსებობის შემთხვევაში მიმწოდებლის მიერ უნდა განხორციელდეს შესაბამისი პრევენციული ზომები), იზოლაციის შემოწმება სპეციალური ხელსაწყო (მეგერის) საშუალებით 2 თვეში ერთხელ (და საჭიროების შემთხვევაში);
3. ამომრთველის დასუფთავება მტვრისგან თვეში ერთხელ და საჭიროებისამებრ, შემსყიდველის მოთხოვნის საფუძველზე;
4. ცვლადი დენის ძალის (ამპერაჟის) კონტროლი;
5. დამიწების კონტურის ტესტირება წინააღმდეგ, სპეციალური ხელსაწყო გამოყენებით თვეში ერთხელ (და საჭიროების შემთხვევაში);
6. გარე და შიდა განათების სისტემის სრულფასოვანი ფუნქციონირების უზრუნველყოფა;
7. მექანიკური ჟალუზების (სულ 726ც სხვადასხვა ზომის) გამართული ფუნქციონირების უზრუნველყოფა;
8. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.
9. სუსტ დენიანი ქსელების გამართული ფუნქციონირების უზრუნველყოფა;

#### ბ) ვენტილაციის სისტემის მომსახურება (იხ. დანართი N2-ის მე-2 პოზიცია)

1. ვენტილაციის ცენტრალური დანადგარის ყოველდღიური (და საჭიროების შემთხვევაში) მონიტორინგი;
2. ვენტილაციის დანადგარზე ფილტრების გასუფთავება არანაკლებ თვეში ერთხელ (და საჭიროების შემთხვევაში);
3. დანადგარზე ღვედების და ძრავის შემოწმება; საჭიროების შემთხვევაში ღვედების შეცვლა;
4. ტემპერატურის რეგულირება შემსყიდველის მოთხოვნის შესაბამისად.
5. ვენტილაციის დანადგარის თერმო კამერით ტესტირება თვეში ერთხელ (და საჭიროების შემთხვევაში);
6. ჰაერის ნაკადების ციფრული შემოწმება სეზონურად;
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

#### გ) გაგრილების სისტემის მომსახურება (იხ. დანართი N2-ის მე-2 პოზიცია)

1. გაგრილების ცენტრალური დანადგარის ყოველდღიური მონიტორინგი (და საჭიროების შემთხვევაში);
2. გაგრილების ცენტრალური დანადგარის და მთლიანი სისტემის გამორეცხვა (მინიმუმ ერთხელ ხელშეკრულების მოქმედების პერიოდში და საჭიროების შემთხვევაში) და რადიატორების გასუფთავება საჭიროებისამებრ;
3. სისტემაში წყლის ან გლიკოლის წნევის სისტემატიური კონტროლი;
4. საცირკულაციო დანადგარების კონტროლი თერმო კამერის გამოყენებით, რათა არ მოხდეს გახურება ან არ გამოვიდეს მწობრიდან საკისრები;
5. გაგრილების დანადგარის (ფანკოილის) ფილტრების გასუფთავება ორ თვეში ერთხელ (და საჭიროების შემთხვევაში);
6. სპლიტკონდიციონერების ფილტრების გაწმენდა და შეკეთება დაზიანების შემთხვევაში თვეში ერთხელ და საჭიროებისამებრ;
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

#### დ) გათბობის სისტემების მომსახურება (იხ. დანართი N2-ის მე-2 პოზიცია)

1. გათბობის ცენტრალური დანადგარის ყოველდღიური მონიტორინგი (და საჭიროების შემთხვევაში);
2. გათბობის ცენტრალური დანადგარის და მთლიანი სისტემის გამორეცხვა (მინიმუმ ორჯერ ხელშეკრულების მოქმედების პერიოდში და საჭიროებისამებრ);
3. სისტემაში წყლის ან გლიკოლის წნევის სისტემატიური კონტროლი;

4. საცირკულაციო დანადგარების კონტროლი თერმო კამერის გამოყენებით, რათა არ მოხდეს გახურება ან არ გამოვიდეს მწობრიდან საკისრები;
5. გათბობის დანადგარის (ფანკოლის) ფილტრების გასუფთავება და რეგულირება თვეში ერთხელ და საჭიროებისამებრ;
6. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

**ე) სახანძრო სისტემის მომსახურება (იხ. დანართი N2-ის მე-3 პოზიცია)**

1. ყოველდღიური მონიტორინგი;
2. პერიოდულად დეტექტორების გაწმენდა შეკუმშული ჰაერით და ტესტირება; დეტექტორების შემოწმება თვეში ერთხელ კვამლის დეტექტორის ტესტირის მეშვეობით (და საჭიროების შემთხვევაში).
3. საჭიროების შემთხვევაში დეტექტორების გამოცვლა სპეციალური ხელსაწყოების გამოყენებით (პლასტიკური ტელესკოპური შტანგა, პლასტიკური ტელესკოპური შტანგის დამაგრებელზე და პლასტიკური ტელესკოპური შტანგის დაბოლოება-დეტექტორის მოსახსნელი);
4. ცეცხლმაქრების მოქმედების ვადების მონიტორინგი და განახლება(დატუმბვა) საჭიროებისამებრ.
5. პრეტენდენტს უნდა გააჩნდეს კვამლის დეტექტორისთვის სატესტო აირის მარაგი.
6. სახანძრო სისტემის პროგრამის მოძიება და პროგრამირება საჭიროების შემთხვევაში
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.
8. სახანძრო წყლის სისტემის თვეში ერთხელ შემოწმება/ტესტირება.

**ვ) წყალმომარაგების, კანალიზაციის /სან-კვანძების სისტემების მომსახურება (იხ. დანართი N2-ის მე-4 პოზიცია)**

1. სისტემების მონიტორინგი და წარმოშობილი პრობლემების მოგვარება;
2. წყლის წნევის რეგულირება;
3. წნევის შემქმნელი ტუმბოების შემოწმება;
4. წყლის ფილტრების გასუფთავება თვეში ერთხელ (და საჭიროების შემთხვევაში);
5. წყლის რეზერვუარის გამორეცხვა საჭიროებისამებრ;
6. სანტექნიკის სისტემების, მარაგ/ნაწილების, აქსესუარების მოვლა/შეცვლა;
7. სახურავის სანიაღვრე სისტემის მოვლა/გამართული ფუნქციონირების უზრუნველყოფა.
8. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

**ზ) გენერატორის მომსახურება (მოწყობილობის დასახელება- TEKSAN T J 450DW5A, რაოდენობა - 1 ცალი)**

1. ჰაერის ფილტრების, ზეთის ფილტრების, საცხებ-საპოხი მასალების, ტენის საცირკულაციო ძრავის და აკუმულატორის დროულად შეცვლა/ შეკეთება შესაბამისი მასალებით.
2. ყოველთვიური საავარიო გაშვება (და საჭიროების შემთხვევაში).
3. დანადგარის სრულფასოვან ფუნქციონირებასთან დაკავშირებული ინფრასტრუქტურის მომსახურება სრულად.
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

**თ) მუდმივი კვების წყაროს მომსახურება (იხ. დანართი N2-ის მე-5 პოზიცია)**

1. აკუმულატორების რეგულარული და მოთხოვნის შესაბამისად ტესტირება (ტევადობასა A/h და წინაღობაზე)
2. მუდმივი ელექტრო კვების წყაროს სისტემის გამართული მუშაუნარიანობის უზრუნველყოფა, რათა ძაბვის მატების ან კლების შემთხვევაში სისტემას არ შეუწყდეს ელ. ენერგიის მიწოდება;
3. მუდმივი ელექტრო კვების წყაროს სისტემის მონიტორინგი;
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

**ი) აუდიოსისტემის მომსახურება (იხ. დანართი N2-ის მე-6 პოზიცია)**

1. აუდიოსისტემის რეგულარული და მოთხოვნის შესაბამისად ტესტირება;
2. სისტემის მუშაუნარიანობის უზრუნველყოფა;
3. სისტემაში აღმოჩენილი ხარვეზების დაუყონებლივ აღმოფხვრა.
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების

სრული დაცვით. ასევე სხვა სარეგლამენტო სამუშაოები

**კ) ვიდულისტემის მომსახურება (იხ. დანართი N2-ის მე-7 პოზიცია)**

1. ვიდუთვალეების პერიოდული გაწმენდა;
2. გამოსახულების/რაკურსის შემოწმება და გასწორება;
3. პროგრამული უზრუნველყოფა (ჩანაწერის ამოღების შესაძლებლობა საჭიროების შემთხვევაში);
4. სისტემის მუდმივი მონიტორინგი;
5. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.

**ლ) წამკითხველის (რიდერები), მათი კვების ბლოკების, აკუმულატორების და კარის ელ. საკეტების გამართული მუშაობის უზრუნველყოფა. მწარმოებლის მიერ რეკომენდირებული გეგმიური შემოწმება/მოვლა-პატრონობა რეკომენდაციების სრული დაცვით. ასევე სხვა სარეგლამენტო სამუშაოები.**

**მ) მიმწოდებელმა საკუთარი ხარჯებით უნდა შეასრულოს შემსყიდველის კუთვნილი საოფისე ინვენტარის, კარ-ფანჯრების შეკეთება და მასალა-ნაწილებით მომარაგება (მ/შ საკეტები და მათი გულანები, გასაღებები, ბოქლომები, სახელურები, პეტლები, ანჯამები, ზამბარები, კარის დამჭერი მექანიზმები - ე.წ. შვეიცარები, გორგოლაჭები და სხვა). მასალების განახლება უნდა განხორციელდეს არსებული ინვენტარის მსგავსი, თავსებადი საქონლით ჩანაცვლებით.**

**ნ) მომსახურება უნდა განხორციელდეს კვალიფიციური სპეციალისტების მეშვეობით, რომლებმაც აღნიშნული მომსახურება და წინამდებარე ხელშეკრულებით გათვალისწინებული მატერიალური ფასეულობების მოვლა-პატრონობა უნდა განხორციელონ სისტემის შესაბამისი კომპონენტის მწარმოებლის რეკომენდაციის სრული დაცვით. მიმწოდებელმა უნდა გამოყოს არანაკლებ ერთი მორიგე თანამშრომელი, რომელიც 24 საათის განმავლობაში მუდმივად იმყოფება ობიექტზე. (საჭიროების შემთხვევაში ნებისმიერ დროს დაუყოვნებლივ უნდა გამოცხადდნენ ობიექტზე) მომსახურების გამწევ პერსონალს უნდა გააჩნდეს მომსახურების გაწევისთვის საჭირო სპეციალური ტექნიკური საშუალებები, სპეც. ფორმა წარწერით - „ტექნიკური პერსონალი“ და აღჭურვილობა. მომსახურების გაწევისას მკაცრად უნდა იქნას დაცული უსაფრთხოების რეკომენდირებული ნორმები.**

**ო) შენობაში არსებული აგრეგატების, სისტემების და მოწყობილობების მუშაობაში ხარვეზის აღმოჩენის შემთხვევაში, მიმწოდებლის მიერ დაუყოვნებლივ უნდა განხორციელდეს შესაბამისი რეაგირება და მიღებული იქნას ყველა აუცილებელი ზომა არსებული ხარვეზის უმოკლეს ვადებში აღმოსაფხვრელად, (სისტემაში მნიშვნელოვანი ხარვეზის აღმოჩენის შემთხვევაში, ხარვეზის აღმოფხვრის კონკრეტულ მაქსიმალურ გონივრულ ვადებს ადგენს შემსყიდველი მიმწოდებელთან შეთანხმებით. შეთანხმებული ვადების დარღვევა გამოიწვევს მიმწოდებლისთვის შესაბამისი პირგასამტეხლოს დაკისრებას). სისტემაში წარმოქმნილ ნებისმიერ ხარვეზზე დგება დეფექტური აქტი, რომელშიც მიეთითება ხარვეზის წარმოქმნის ზუსტი ადგილმდებარეობა, ხარვეზის დამფიქსირებელი პიროვნებების რეკვიზიტები, ხარვეზის დეტალური აღწერა და მისი გამომწვევი სავარაუდო/ზუსტი მიზეზები, აგრეთვე პრობლემ(ებ)ის აღმოფხვრის ვადები. აღნიშნული დოკუმენტი იქმნება ხარვეზის აღმოჩენისთანავე და დაუყოვნებლივ უნდა მიეწოდოს ინფრასტრუქტურის განვითარებისა და ლოჯისტიკის სამსახურს.**

**პ) გასაწევი მომსახურების ფარგლებში შესაცვლელ ყოველ ნაწილზე/მასალაზე შედგება შეთანხმების აქტი, სადაც აღნიშნული უნდა იყოს საქონლის დასახელება, რაოდენობა, ერთეულის ფასი (საბაზრო ფასის გათვალისწინებით) და საგარანტიო პერიოდი (იმ შემთხვევაში, თუ საქონლის შეძენა ხდება მიმწოდებლის ხარჯით). საგარანტიო ვადის განმავლობაში მიმწოდებელი ვალდებულია მის მიერ მიწოდებულ ნაწილზე/მასალაზე საკუთარი ხარჯებით უზრუნველყოს გამოვლენილი ნაკლის აღმოფხვრა, საჭიროების შემთხვევაში წუნდებული საქონლის შეცვლა ახლით (ტრანსპორტირების ჩათვლით).**

**ჟ) მიმწოდებელი ვალდებულია მომდევნო თვის 5 რიცხვამდე, ხოლო დეკემბერში არა უგვიანეს 30 რიცხვისა წარმოადგინოს გაწეული მომსახურების შესახებ სრულყოფილი, დეტალური ანგარიში.**

**რ) წინამდებარე დანართით გათვალისწინებული მომსახურების თითოეულ პოზიციაზე, ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელმა უნდა უზრუნველყოს 1000**

ლარამდე ერთეულის ღირებულების მქონე საქონლის (საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა), საკუთარი ხარჯით შეძენა, ხოლო 1000 ლარზე მეტი ერთეულის ღირებულების მქონე საქონლის (საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა) შეძენას და მიწოდებას უზრუნველყოფს შემსყიდველი.

ს) წინამდებარე დანართით გათვალისწინებული მომსახურების თითოეულ პოზიციაზე, ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელმა უნდა უზრუნველყოს ნებისმიერი ღირებულების მქონე საქონლის (საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა) შეცვლა, შეკეთება, გადაკეთება, დამონტაჟება და სხვა სახის მომსახურება;

ტ) ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელი უზრუნველყოფს წინამდებარე დანართით გათვალისწინებულ თითოეულ პოზიციაზე მომსახურების გაწევასთან დაკავშირებული მცირე სარემონტო სამუშაოების წარმოებას (კერძოდ, დაზიანებული ნებისმიერი სტრუქტურის მქონე კედლის, იატაკის, ჭერის აღდგენა/შედგენა/გამოცვლა და ა.შ. მომსახურების გაწევისას გამოყენებული მასალები მაქსიმალურად უნდა შეესაბამებოდეს შენობა-ნაგებობის, მოწყობილობებისა და სისტემების მახასიათებლებს.), იმ შემთხვევაში, თუ თითოეულ ჯერზე ამ ქვეპუნქტით გათვალისწინებული შესასრულებელი სამუშაოს ღირებულება არ აღემატება 500 ლარს (საბაზრო ფასის გათვალისწინებით).

უ) იმ შემთხვევაში, თუ წინამდებარე შესყიდვით გათვალისწინებული მოწყობილობების, სისტემების გამართული ფუნქციონირებისათვის საჭირო გახდება ისეთი მომსახურების, სამუშაოს ან/და საქონლის შესყიდვა, რომლის მოწოდებასაც არ ითვალისწინებს სატენდერო დოკუმენტაცია, მიმწოდებელი ვალდებულია შემსყიდველს გაუწიოს კვალიფიციური კონსულტაცია და გონივრულ ვადაში მიაწოდოს ახალი შესყიდვის განხორციელებისთვის საჭირო დეტალური ინფორმაცია: შესყიდვის ობიექტის აღწერილობა, ტექნიკური მახასიათებლები, რაოდენობა/მოცულობა, ხარჯთაღრიცხვა, კონსტრუქციული ნახაზი, ფოტო ესკიზი, პროექტირება და სხვა.

ფ) მიმწოდებელი ვალდებულია წინამდებარე დანართით გათვალისწინებული სისტემების პროგრამულ უზრუნველყოფაზე.

ქ) მიმწოდებელმა უნდა უზრუნველყოს შემსყიდველის კუთვნილი საწვავის ტრანსპორტირება ავტო გასამართ სადგურიდან შენობაში განთავსებულ ავზებამდე. მოთხოვნიდან არა უგვიანეს ორ დღეში. შემდეგი პირობებით: წელიწადში არა უმეტეს 5000 ლიტრისა, თვეში არა უმეტეს 1000 ლიტრისა, არა უმეტეს 30 კმ-ის რადიუსისა, ყოველთვიური ლიმიტის მოწოდება უნდა განხორციელდეს არა უმეტეს ხუთ ეტაპად.

ღ) მიმწოდებელი ვალდებულია მომსახურების ვადის გასვლის შემდეგ, არაუგვიანეს 15 დღის ვადაში, განახორციელოს სატენდერო დოკუმენტაციის დანართი №1-ით და №2-ით გათვალისწინებული ძირითადი საშუალებების და სისტემების გადაბარება, შემსყიდველის შესაბამისად უფლებამოსილი წარმომადგენლებისთვის. ძირითადი საშუალებების და სისტემების გადაბარების შესახებ შედგება შესაბამისი მიღება-ჩაბარების აქტი (საჭიროების შემთხვევაში დეფექტური აქტი), რომელსაც ხელმოწერით დაადასტურებენ მიმწოდებელი და შემსყიდველის უფლებამოსილი წარმომადგენელი.

გადაბარების შედეგად გამოვლენილი ძირითადი საშუალებების და სისტემების დეფექტის შემთხვევაში, მიმწოდებელს ეკისრება პასუხისმგებლობა საკუთარი ხარჯებით განახორციელოს აღმოჩენილი დეფექტის აღმოფხვრა.

ყ) მიმწოდებელი ვალდებულია ხელშეკრულების გაფორმების შემდეგ, არაუგვიანეს 15 დღის ვადაში, შემსყიდველის შესაბამისად უფლებამოსილი წარმომადგენლისგან გადაიბაროს სატენდერო დოკუმენტაციის დანართი №1-ით და №2-ით გათვალისწინებული ძირითადი საშუალებები და სისტემები.

შ) მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

**ქ. გურჯაანის იუსტიციის სახლში არსებული სისტემების ჩამონათვალი**

| №                                                                       | სისტემის/დანადგარის, მოწყობილობის დასახელება                            | ერთეული | რაოდენობა |
|-------------------------------------------------------------------------|-------------------------------------------------------------------------|---------|-----------|
| <b>1. ელექტრო-სისტემები</b>                                             |                                                                         |         |           |
| <b>1.1. ტრანსფორმატორები, მაღალი და დაბალი ძაბვის ფარები</b>            |                                                                         |         |           |
| 1                                                                       | ელექტრო სტაბილიზატორი სერვო მატკ N-120401                               | ცალი    | 3         |
| 2                                                                       | მაღალიძაბვის ფარი                                                       | ცალი    | 3         |
| 3                                                                       | დაბალი ძაბვის ფარი                                                      | ცალი    | 3         |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |                                                                         |         |           |
| <b>1.2. შიდა განათება</b>                                               |                                                                         |         |           |
| 1                                                                       | მრგვალი სანათი 15ათურიანი                                               | ცალი    | 413.00    |
| 2                                                                       | გრძელი სანათი 2 ნათურიანი                                               | ცალი    | 40.00     |
| 3                                                                       | ცილინდრისებური ჭალი 440მმ დიამეტრის                                     | ცალი    | 5.00      |
| 4                                                                       | მილისებრი ჭალი 150მმ დიამეტრის                                          | ცალი    | 5.00      |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |                                                                         |         |           |
| <b>1.3. ელექტრო ფარები</b>                                              |                                                                         |         |           |
| 1                                                                       | ელექტრო ჩამრთველი (ავტომატი 3 ფაზიანი) C16                              | ცალი    | 9.00      |
| 2                                                                       | ელექტრო ჩამრთველი (ავტომატი 3 ფაზიანი) C6                               | ცალი    | 1.00      |
| 3                                                                       | ელექტრო ჩამრთველი (ავტომატი 3 ფაზიანი) B-63                             | ცალი    | 4.00      |
| 4                                                                       | ელექტრო ჩამრთველი (ავტომატი 3 ფაზიანი) C-32                             | ცალი    | 8.00      |
| 5                                                                       | ელექტრო ჩამრთველი (ავტომატი 3 ფაზიანი) B50                              | ცალი    | 2.00      |
| 6                                                                       | ელექტრო ჩამრთველი (ავტომატი 3 ფაზიანი) C40                              | ცალი    | 1.00      |
| 7                                                                       | ელექტრო ჩამრთველი (ავტომატი 3 ფაზიანი) C10                              | ცალი    | 2.00      |
| 8                                                                       | ელექტრო ჩამრთველი (ავტომატი 1 ფაზიანი) B16                              | ცალი    | 9.00      |
| 9                                                                       | ელექტრო ჩამრთველი (ავტომატი 1 ფაზიანი) B-6                              | ცალი    | 22.00     |
| 10                                                                      | ელექტრო ჩამრთველი (ავტომატი 1 ფაზიანი) C25                              | ცალი    | 1.00      |
| 11                                                                      | ელექტრო ჩამრთველი (ავტომატი 1 ფაზიანი) C20                              | ცალი    | 60.00     |
| 12                                                                      | ელექტრო ჩამრთველი (ავტომატი 1 ფაზიანი) C10                              | ცალი    | 29.00     |
| 13                                                                      | ელექტრო ჩამრთველი (ავტომატი 1 ფაზიანი) C16                              | ცალი    | 68.00     |
| 14                                                                      | ელექტრო ჩამრთველი (ავტომატი 3 ფაზიანი) C6                               | ცალი    | 29.00     |
| 15                                                                      | შენობის გარე განათების ჰალოგენის ტიპის სანათი                           | ცალი    | 8         |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |                                                                         |         |           |
| <b>1.4. ფარდები</b>                                                     |                                                                         |         |           |
| 1                                                                       | თბური ფარდა COR-q 1500N                                                 | ცალი    | 3.00      |
| 2                                                                       | ფარდა როლეტი სხვადასხვა ზომის                                           | ცალი    | 726.00    |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |                                                                         |         |           |
| <b>2. გათბობა-გაგრილება, ვენტილაცია</b>                                 |                                                                         |         |           |
| 1                                                                       | არხული ფანკოილი (საბიანა)                                               | ცალი    | 44        |
| 2                                                                       | გამაგრილებელი დანადგარი (ჩილერი) AERMEC mod.NRB 1100""A""BH comm.641491 | ცალი    | 1         |
| 3                                                                       | სავენტილაციო აგრეგატი IMAS                                              | ცალი    | 4         |
| 4                                                                       | გამაგრილებელი LG                                                        | ცალი    | 2         |
| 5                                                                       | საცირკულაციო ტუმბო საქვაბეში                                            | ცალი    | 1         |
| 6                                                                       | საცირკულაციო ტუმბო ჩილერზე                                              | ცალი    | 2         |
| 7                                                                       | საცირკულაციო ტუმბო ბოილერზე                                             | ცალი    | 2         |
| 8                                                                       | ტუმბოების ელექტრო მარეგულირებელი ყუთი                                   | ცალი    | 1         |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |                                                                         |         |           |
| <b>2.2. დანადგარები, აგრეგატები, ძრავები</b>                            |                                                                         |         |           |

|                                                                         |  |                                                  |      |    |
|-------------------------------------------------------------------------|--|--------------------------------------------------|------|----|
| 1                                                                       |  | გენერატორი TEKSAN T J 450DW5A                    | ცალი | 1  |
| 2                                                                       |  | გამათბობელი ქვაბი baimak                         | ცალი | 1  |
| 3                                                                       |  | ცხელი წყლის საცირკულაციო ქვაბი (ბოილერი) LUMBERT | ცალი | 1  |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |  |                                                  |      |    |
| <b>3. სახანძრო სიგნალიზაცია</b>                                         |  |                                                  |      |    |
| 1                                                                       |  | პანელი მართვის პულტით (დისპლეი C-TEC)            | ცალი | 1  |
| 2                                                                       |  | სამისამართო საგანგაშო ღილაკი                     | ცალი | 4  |
| 3                                                                       |  | სახანძროკვანძი                                   | ცალი | 7  |
| 4                                                                       |  | ცეცხლმაქრები                                     | ცალი | 7  |
| 5                                                                       |  | საკვამური დეტექტორი                              | ცალი | 65 |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |  |                                                  |      |    |

|                                                                         |  |             |      |   |
|-------------------------------------------------------------------------|--|-------------|------|---|
| <b>4. წყალმომარაგების/სან.კვანძების სისტემა</b>                         |  |             |      |   |
| 1                                                                       |  | წყლის ტუმბო | ცალი | 4 |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |  |             |      |   |

|                                                                         |  |                                        |      |    |
|-------------------------------------------------------------------------|--|----------------------------------------|------|----|
| <b>5. მუდმივი კვების წყარო</b>                                          |  |                                        |      |    |
| 1                                                                       |  | უწყვეტი კვების წყარო (netro-33)        | ცალი | 1  |
| 2                                                                       |  | აკუმულატორები: RM-12-26(12V 26AH/20HR) | ცალი | 60 |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |  |                                        |      |    |

|                                                                         |  |                                 |      |    |
|-------------------------------------------------------------------------|--|---------------------------------|------|----|
| <b>6. აუდიოსისტემა</b>                                                  |  |                                 |      |    |
| 1                                                                       |  | ფლეიერი აუდიო სისტემა           | ცალი | 1  |
| 2                                                                       |  | ხმის გამაძლიერებელი             | ცალი | 1  |
| 3                                                                       |  | ხმამაღლა მოლაპარაკე (მიკროფონი) | ცალი | 2  |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |  |                                 |      |    |
| <b>7. ვიდეო-სისტემა</b>                                                 |  |                                 |      |    |
| 1                                                                       |  | BRICK com კსელური ფერადი კამერა | ცალი | 17 |
| სისტემის გამართულ ფუნქციონირებასთან დაკავშირებული ინფრასტრუქტურა სრულად |  |                                 |      |    |

ფასების ცხრილი

| №    | მომსახურების დასახელება                                                                                                                                                     | განზომილების<br>ერთეული | მოცულობა/მომსახურების<br>გაწევის საორიენტაციო<br>პერიოდი | ერთეულის ფასი<br>(ლარი) | საერთო<br>ღირებულება<br>(ლარი) | მომსახურების გაწევის<br>ადგილი                                            |
|------|-----------------------------------------------------------------------------------------------------------------------------------------------------------------------------|-------------------------|----------------------------------------------------------|-------------------------|--------------------------------|---------------------------------------------------------------------------|
| 1    | 2                                                                                                                                                                           | 3                       | 4                                                        | 5                       | 6                              | 7                                                                         |
| 1    | იუსტიციის სახლის გურჯაანის<br>ფილიალის შენობის მოწყობილობების<br>შეკეთება და ტექნიკური მომსახურება<br>სატენდერო დოკუმენტაციის დანართი<br>№1-ის და დანართი №2-ის შესაბამისად | თვე                     | 12<br>(01.01.2017-დან<br>31.12.2017-ის<br>ჩათვლით)       |                         |                                | ქ. გურჯაანი, თამარ მეფის ქუჩა<br>(იუსტიციის სახლის გურჯაანის<br>ფილიალი). |
| ჯამი |                                                                                                                                                                             |                         |                                                          |                         |                                |                                                                           |

პრეტენდენტი: \_\_\_\_\_

ხელმოწერა და ბეჭედი: \_\_\_\_\_

ინფორმაცია ხელმოწერილი და ბეჭედდასმული უნდა იყოს პრეტენდენტის შესაბამისად უფლებამოსილი პირის მიერ

**რეკვიზიტები:**

1. პრეტენდენტის იურიდიული ფორმა და დასახელება: \_\_\_\_\_
2. ხელმძღვანელის/უფლებამოსილი პირის სახელი და გვარი: \_\_\_\_\_
3. პრეტენდენტის იურიდიული ან/და ფაქტიური მისამართი: \_\_\_\_\_
4. პრეტენდენტის ტელეფონის ნომერი: \_\_\_\_\_
5. საიდენტიფიკაციო კოდი: \_\_\_\_\_
6. ბანკი და ბანკის კოდი: \_\_\_\_\_
7. ანგარიშსწორების ანგარიში: \_\_\_\_\_

*ინფორმაცია ხელმოწერილი და ბეჭდით დამოწმებული (არსებობის შემთხვევაში) უნდა იყოს  
უფლებამოსილი პირის მიერ*

**სახელმწიფო შესყიდვის შესახებ ხელშეკრულების პროექტი**  
**ხელშეკრულება № \_\_\_\_\_**

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

**ქ. თბილისი**

„\_\_\_“ „\_\_\_\_\_,“ 201\_ წელი

ერთის მხრივ სსიპ „იუსტიციის სახლი“ (შემდგომში „შემსყიდველი“) წარმოდგენილი \_\_\_\_\_ სახით და მეორეს მხრივ, \_\_\_\_\_ (შემდგომში „მიმწოდებელი“) წარმოდგენილი მისი დირექტორის \_\_\_\_\_ სახით, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის (SPA000000000) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ასევე ყველა იმ დოკუმენტით რომლებზედაც წინამდებარე ხელშეკრულებაში არის მინიშნება;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული;
- 1.4. „შემსყიდველი“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

**2. შესყიდვის ობიექტი და ხელშეკრულების საგანი**

- 2.1. შესყიდვის ობიექტს წარმოადგენს სსიპ „იუსტიციის სახლი“-ს 2017 წლის საკუთარი შემოსავლების ფარგლებში, შენობის მოწყობილობების შეკეთება და ტექნიკური მომსახურება (CPV50700000).
- 2.2. ხელშეკრულების საგანია იუსტიციის სახლის გურჯაანის ფილიალის შენობის მოწყობილობების შეკეთება და ტექნიკური მომსახურება ხელშეკრულების დანართი №\_\_\_-ით განსაზღვრული პირობების შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

**3. ხელშეკრულების ღირებულება**

- 3.1. ხელშეკრულების ღირებულება შეადგენს \_\_\_\_\_ ლარს;
- 3.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს;
- 3.3. გასაწევი მომსახურების ერთეულის და საერთო ფასი განისაზღვრება ხელშეკრულების დანართში №\_\_\_.

**4. ხელშეკრულების პირობების შესრულების კონტროლი**

- 4.1. ხელშეკრულების პირობების შესრულების კონტროლს ახორციელებს სსიპ „იუსტიციის სახლი“-ს ინფრასტრუქტურის განვითარებისა და ლოჯისტიკის სამსახურის \_\_\_\_\_.
- 4.2. შემსყიდველი ორგანიზაცია უფლებამოსილია განხორციელოს ხელშეკრულების შესრულების კონტროლი ხელშეკრულების მოქმედების ნებისმიერ ეტაპზე. შემსყიდველს უფლება აქვს ჩართოს ინსპექტირების პროცესში სხვა პირები, რომელთა ჩართვასაც ის ჩათვლის მიზანშეწონილად.

**5. შესყიდვის ობიექტის მიღება ჩაბარების წესი:**

- 5.1. მომსახურების მიღება იწარმოებს ყოველთვიურად, მიღება-ჩაბარების აქტის სახით. მიღება-ჩაბარების აქტი გაფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 5.2. მიღება-ჩაბარების აქტის გაფორმდება ყოველთვიურად, მომსახურების გაწევის შემდეგ, ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის საფუძველზე.

**6. ანგარიშსწორების ფორმა, ვადები და პირობები**

- 6.1 ანგარიშსწორება განხორციელდება ყოველთვიურად, უნაღდო ანგარიშსწორებით, ეროვნულ ვალუტაში – ლარში, მხარეთა შორის გაფორმებული მიღება-ჩაბარების აქტის და მიმწოდებლის მიერ წარმოდგენილი ანგარიშ-

ფაქტურის (კანონმდებლობით გათვალისწინებულ შემთხვევაში) საფუძველზე, დოკუმენტების სრულყოფილად წარმოდგებიდან არაუგვიანეს 10 (ათი) სამუშაო დღის განმავლობაში;

6.2 წინასწარი ანგარიშსწორება (ავანსი) არ დაიშვება;

6.3 დაფინანსების წყარო: სსიპ „იუსტიციის სახლის“ 2017 წლის საკუთარი შემოსავლები.

6.4 მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

## **7. შესყიდვის ობიექტის მიწოდების ვადა და ადგილი**

7.1 შესყიდვის ობიექტის მოწოდება უნდა განხორციელდეს **2017 წლის 1 იანვრიდან 2017 წლის 31 დეკემბრის ჩათვლით;**

7.7. შესყიდვის ობიექტის მოწოდება უნდა განხორციელდეს შემდეგ მისამართზე: **ქ. გურჯაანი, თამარ მეფის ქუჩა** (იუსტიციის სახლის გურჯაანის ფილიალი).

## **8. მხარეთა უფლება-მოვალეობანი**

8.1 „მიმწოდებელი“ ვალდებულია:

8.1.1. ხელშეკრულებით და მისი დანართებით განსაზღვრული პირობების დაცვით განახორციელოს ხელშეკრულების მე-2 მუხლით გათვალისწინებული მომსახურება;

8.1.2. ხელი შეუწყოს შემსყიდველს ხელშეკრულების შესრულების კონტროლის განხორციელებისას და უზრუნველყოს ინსპექტირების შედეგად გამოვლენილი წუნის აღმოფხვრა (მ/შ წუნდებული საქონლის შეცვლა ახლით საგარანტიო პერიოდში) საკუთარი ხარჯით, ასეთი წუნის აღმოჩენიდან გონივრულ ვადაში.

8.1.3. მომსახურების გაწევისას მკაცრად დაიცვას უსაფრთხოების ნორმები.

8.1.4. განახორციელოს ამ ხელშეკრულებით მასზე დაკისრებული სხვა ვალდებულებები.

8.2 მიმწოდებელი უფლებამოსილია მოითხოვოს გაწეული მომსახურების ღირებულების ანაზღაურება ხელშეკრულების პირობების შესაბამისად.

8.3 შემსყიდველი ვალდებულია:

8.1.5. უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულების პირობების შესაბამისად.

8.1.6. განახორციელოს ამ ხელშეკრულებით მასზე დაკისრებული სხვა ვალდებულებები.

8.4 შემსყიდველი უფლებამოსილია უზრუნველყოს ხელშეკრულების შესრულების კონტროლი ხელშეკრულების მიმდინარეობის ნებისმიერ ეტაპზე.

## **9. პირგასამტეხლო ხელშეკრულების პირობების შეუსრულებლობისათვის**

9.1. მომსახურების გაწევის პროცესში შემსყიდველისთვის ან/და მესამე პირისთვის მიყენებული (მ/შ გაუფრთხილებლობით) ქონებრივი და არაქონებრივი ზიანის ანაზღაურება მიმწოდებელმა უნდა უზრუნველყოს სრულად, საკუთარი ხარჯით; აღნიშნული ზიანის წარმოშობის შემთხვევაში, ზიანის აღმოფხვრა უნდა განხორციელდეს შემსყიდველთან შეთანხმებულ გონივრულ ვადაში.

9.2. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს შესაძლოა დაეკისროს პირგასამტეხლო თითოეულ ასეთ შემთხვევაზე, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით.

9.3. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლოა დაეკისროს პირგასამტეხლო, ხელშეკრულების დანართი №1-ით განსაზღვრული თითოეული პუნქტის („ა“ – „შ“ პუნქტები) დარღვევის შემთხვევაში, ყოველ დარღვეულ პუნქტზე შესასრულებელი ვალდებულების შესაბამისი ღირებულების 0.2%-ის ოდენობით.

9.4. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 1 (ერთი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.5. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

9.6. მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

9.7. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

## **10. ხელშეკრულებაში ცვლილების შეტანა და ხელშეკრულების შეწყვეტა**

- 10.1. ხელშეკრულებაში ცვლილება დაიშვება მხარეთა წერილობითი შეთანხმებით;
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;
- 10.4. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშუალოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით;
- 10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით, წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში;

## **11. ხელშეკრულების შესრულების შეუძლებლობა**

- 11.1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);
- 11.2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;
- 11.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;
- 11.4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

## **12. დავები და მათი გადაწყვეტის წესი**

- 12.1. ხელშეკრულება დადებულია და განიმარტება საქართველოს კანონმდებლობის შესაბამისად;
- 12.2. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით;
- 12.3. შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

## **13. ხელშეკრულების მოქმედების ვადა**

- 13.1. წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: ხელშეკრულების მე-9 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე, ხოლო ყველა სხვა ნაწილში ხელშეკრულება მოქმედებს 2018 წლის 31 იანვრის ჩათვლით.

## **14. სხვა პირობები**

- 14.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, რომელთაგან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

## **15. მხარეთა რეკვიზიტები**

შემსყიდველი

მიმწოდებელი